

1361

筠

谿

集

八

詳校官庶吉士臣瑚圖禮

侍讀臣孫球覆勘

總校官庶吉士臣倉聖脈

校對官典簿臣郭祚熾

謄錄監生臣楊其梓

欽定四庫全書

筠谿集卷十六

宋 李彌遜 撰

詩七十三首

初到連江和林公曠先輩

投老身名信陸沉
欲將白髮寄遙岑
賦詩未敢施彭澤
抱甕真堪友漢陰
江面飛橋誇壯麗
山腰卧石閤幽深
公才清絕參奇觀
慰我長年去國心

次韻林公曠見贈

思君一日可當期敢意瓊瑤手自貽華髮乍回千里夢
白眉重見十年知驚人句好供行樂遣客杯寬欲坐馳
肯斷雲根同我老賸留觴詠醉花時

次韻陳穎仲晚步見山

青鞵布襪繞江湄矯首山房送日西小榼留人燈下覓
短筇邀我醉中攜峯巒過雨新塗澤草木逢春自品題
投老歸來同逆旅好於此地斲愚溪

和夷仲弟喜學士兄歸

烽火叢中別弟兄，獨看鄉月幾虧盈。
萬金信斷秋山寂，千里人歸春草榮。
雨漲波紋催過艦，風翻葉幄避行旌。
機雲入洛悲辛後，誰似開華倒屣迎。

翁尉以詩送蓮并酒

不復西河歎踽涼，真成仙吏隱襄陽。
一生可了酒供座，千頃平鋪花遶塘。
皓腕折香遮老眼，長缺洗杓荐新嘗。
肯分臭味同衰朽，好語猶驚得夜光。

學士兄還鄉之始會賓親石門寺以病不能往

公暄頴仲有詩次韻

群賢嘉會走輿臣乍喜卽星照七閩寺近南塘鍾秀麗
筵開晚水荐甘珍放懷想盡百川飲留客應生四角輪
我獨沉疴方面壁愈風賴有兩騷人

次韻陳蹈元見和之什

漫逐江魚弔楚臣風騷今見出吾閩遺音思遠冰霜淡
味語功深膾炙珍一壑我曹方稅駕九霄公等改推輪
屏除堆案癡兒事肯着青鞵伴散人

奉酬龍興益老伽陀

居士心如出岫雲逢場作戲不求真
桃花自落非關雨
梅子半黃知是春此外更無身外事
閑中那得箇中入
箭鋒相拄君休問千里同風始見親

和陳穎仲題劉鞠祠

山遶平湖綠四邊兩翁遺澤到今傳
蘋風引釣魚隨艇
穀雨催耕水拍田敗壁丹青悲落日
荒庭紳笏想流年
桐鄉不廢春秋祀簫鼓雞豚久更虔

和穎仲山行即事

平蕪新綠占封圻
橫路游絲網落暉
山徑人稀藏窈窕
禪扉春盡老芳菲
緩行照水知魚樂
隨意穿花見蝶飛
二子昇簋今夜月
龍鍾猶勝杖藜歸

次韻隱者陳無隅二首

柴門寂寂閉山光
客至供糜有二方
誰荐唐衢歸魏闕
肯令王遠老閬鄉
藕塘待晚對幽壑
竹院消閑近寶坊
用捨由時姑袖手
豈無真樂在濠梁

歷井捫參踏蘚苔山腰海角偶徘徊身從飄泊似浮水
眼見紛華等濕灰共煮松風占乳信試尋香雪探芳媒
笑談疑在蓬瀛上下視雲中兩兩苔

次韻李伯紀丞相遊賢沙鳳池之作二首

騎鯨破曉上崔嵬人識仙翁第一回杖屨不應塵外去
旌麾早自日邊來黑頭半爲憂時改青眼唯逢勝地開
怪底尺書頻寄雁向來交味比陳雷

幾日公來浴鳳池蹇驢陪乘偶參差羈棲自笑卧盤谷

健句爭先誦漢陂世路吹蓬無念到山遊嚼蔗不言知
細書倘遂雲根築肯與酸寒鄭老期

似表弟始歸寇退之後置酒會親族坐客即席
賦詩和其韻

蓬轉生涯四十年歸來華髮舊山川驚魂僅免走三穴
情話喜同傾四筵醉客毛吞憐海窄詩翁刀奏失牛全
錦城不似還家樂姑置行藏莫問天

病卧一春無復少沉蹈元願爲尋山之行以詩

簡之

病與老期推復來十分春事苦相催
干戈四海少閑地寒暑一生能幾回
止酒尊壘成說食空華風景亂真梅
清明強理尋山屐笑口逢君倘暫開

復用前韻約蹈元

時序驚人咄咄來榮枯畢竟爲誰催
風將滿地飛紅去日擁半天高綠回
顧我似嘗當道李渴君如望隔林梅
一年春事無多子喚取提壺觸處開

久陰聞督郵至縣奉簡蹈元

驚呼雞犬督郵來想見文書手自催鼓枻黃頭罷田去
傾囊黔首入苗田春盈半月傾盆晝夜電前時落李梅
已向范頭望籠餅陽烏幾日放天開

春雨久不止戲呈諸公

蕉上雨聲無盡來龍疲應困阿香催竹萌出土囊錐見
燕觜得泥風鷁回料峭侵衣猶帶臈廉纖昏晝已如梅
愁邊酒醖都無力更著濃陰撥不開

遊石門用前韻促陳丞詩

昨夜濃雲潑墨來，比隣折簡小奚催。
印窓寒月曉前白，尋壑春輿天際回。
醜面綠浮新展葉，杖頭黃礙半肥梅。
知君自掃松間徑，古錦何妨此地開。

暇日遊石門用前韻

曉御欲隨風脚來，報晴烏鵲入簷催。
松幢竹蓋寶坊近，石壁雲關塵境回。
山氣得春濃勝酒，花光帶月冷過梅。
却收眼力尋歸路，惜取餘青莫浪開。

西山獨步奉懷蹈元

擺脫微官萬里來
非關枝上子規催
鏡中蒼髻摘還滿
花上青春喚不回
我築一溪愚似柳
君工五字老於梅
哦詩肯傍水旁徑
賸買長瓶爲子開

山居寄友人

結廬入境經過少
晚起長遭稚子催
閑處赤心憂國盡
病中白首愛山回
林泉可使居無竹
風雨空嗟標有梅
不遣飛奴頻過我
欲將懷抱向誰開

次韻似表弟春雨漫成

百念關身起蝟毛雨聲偏近夜牀高正愁春事趣奔鹿
更覺歸心折大刀擁鼻吟邊聊且遣枕肱佳處亦時遭
麴生懷抱肯傾倒一酌忘憂賴爾曹

近報陝右大捷又繼聞王師遂平建寇用高字

韻

南北軍書走羽毛城頭喜見赤雲高頗聞關隴盡歸馬
不獨甌閩行賣刀壕吏捉人那復有田翁泥飲不辭遭